


TIŞTÊN KU HÛN HEWCE NE KU DERBARÊ EURODACÊ DE BIZANIBIN



► ÇIMA EZ VÊ BROŞÛRÊ WERDIGRIM?

Hûn vê broşûrê werdigirin ji ber ku pêdivî ye ku daneyên we yên biyometrîk ji hêla rayedaran ve werin girtin.



Daneyên biyometrîk tê wateya şopa tiliyên we û wêneya we.



Ev agahî, digel daneyên nasnameya we û agahdariyên din ên têkildar, dê ji bo databasa Eurodacê werin veguheztin.

Mafên we di vê pêvajoyê de û tiştên ku ji we têne hêvîkirin di vê belavokê de têne ravekirin.

► EURODAC ÇI YE?

Eurodac databeseke Ewropî ye ku agahiyên li ser hin kategoriyên mirovên ku dikevin welatên YE+ qeyd dike û berawird dike. Ev kategori di vê broşûrê de hatine ravekirin.

Ev databas ji hêla 31 welatên YE+ ve tê bikar anîn ku dikarin daneyên we pêvajo bikin û agahdariya we bistînin. Eger hûn bê destûr seyahetê welatekî din ê YE+ bikin û daneyên we dîsa werin girtin, hemû daneyên ku di Eurodacê de li ser we hatine hilanîn dê ji bo rayedarên wî welatî xuya bibin. Di hin rewşan de, daneyên we dê bi agahdariya nû werin nûve kirin.

► KÎJAN WELATÊN YE+ LI WIR IN?

Hûn niha li Holenda yê ne ku welatekî YE+ yê ye.

Welatên Yekitîya Ewropayê+ ev in:



27 Dewletên Endam ên Yekîtiya Ewropayê (EU): Awistirya, Belçîka, Bulgaristan, Kroatya, Qibris, Çekya, Danîmarka, Estonya, Fînlendiya, Fransa, Almanya, EUwnanistan, Macaristan, Îtalya, Letonya, Lîtvanya, Lûksembûrg, Malta, Hollanda, Polonya, Portekîz, Komara Îrlandayê, Romanya, Slovakiya, Slovenya, Spanya, Swêd û



4 welatên din: Îslanda, Liechtenstein, Norwêj, Swîsre.

▶ ARMANCA EURODAC ÇI YE?

Pênc armancên sereke yên Eurodac hene:

- ✔ ji bo alîkariya welatên YE+ bikin ku biryar bidin ka kîjan welat berpirsiyarê lêkolîna serlêdana parastina navneteweyî ye
- ✔ ji bo ku alîkariya şopandina koçberiya qanûnî û neqanûnî ber bi welatên YE+ ve bike
- ✔ ji bo danûstandina agahiyên di navbera rayedarên neteweyî de û pêşîgirtina li sûc û terorîzmê
- ✔ ji bo ku piştrast bike ku zarokên ku digihîjin Ewropayê dikarin werin şopandin û parastin
- ✔ ji bo misogerkirina ku databasên din ên Ewropî yên ku agahiyên wekî vîzeyan dihewînin bi rêkûpêk dixebitin.



▶ AGAHİYÊN KÊ DI EURODACÊ DE TÊNE RAGIRTIN?

Eurodac daneyên li ser kesên ku ne welatîyên welatên YE+ ne digire û:

- ✔ wan daxwaza piştgirîya navneteweyî kirine
- ✔ ew bê destûr ketine nav sînorên welatekî YE+
- ✔ piştî ku li deryayê hatin rizgarkirin, ew ji bo welatekî YE+ hatine veguhastin
- ✔ bi awayekî neqanûnî li welatekî YE+ dimînin
- ✔ bi rêya nexşeya ji nû ve bicihkirinê ya YE an jî bi rêya nexşeya qebûlkirina mirovî ya YE an jî nexşeya ji nû ve bicihkirinê ya neteweyî ketine welatekî YE+
- ✔ parastina demkî wergirtine.

➤ KÎ DIKARE DANeyÊN MIN BIBÎNE?

Rayedarên penaberiyê yê neteweyî li welatê YE+ dê daneyên we yê biyometrîk bigirin û ligel daneyên din ên têkildar ji Eurodacê re bişînin û encama berawirdkirinê werbigirin.

Ajansa Ewropî ya Hevkariya Bicîhanîna Qanûnê û polîsên neteweyî dikarin ji bo pêşîlêgirtina, tespîtkirin û lêpîrsîna sûcên giran û terorîzmê daxwaza gihîştina Eurodacê bikin. Ew dikarin daneyên we di Eurodacê de bigerin.

! GIRÎNG! Rayedarên welatê we nikarin bigihîjin vê agahiyê.

➤ EGER EZ RED BIKIM KU ŞOPA TILIYÊN XWE BIDIM ÇI DIBE?



Ji aliyê qanûnê ve hûn mecbûr in ku daneyên xwe yê biyometrîk bidin.

Sedemên girîng hene ku çima şopa tiliya we hewce ye. Eger te serlêdana penaberiyê kiribe, ev gaveke pêwîst di pêvajoyê de ye.

Agahiyên şopa tiliyan dikarin di heman demê de ji bo dîtina endamên malbatê li welatên YE+ jî bibin alîkar.

Eger tiliyên we zirar bibînin, di pêşerojê de dîsa şopa tiliyên we dê were girtin.

Eger hûn bi zanebûn şopa tiliya xwe xera bikin, encamên wê yê neyînî dê hebin.

Bo nimûne, heke we serlêdana penaberiyê kiribe, dibe ku pêvajoya nixandîne were rawestandî.

Eger pêvajoya lêkolînê di doza we de were rawestandî, ev tê wê wateyê ku hûn êdî wekî daxwazker (penaxwaz) nayên hesibandî. Tu dê hemû mafên têkildarî vê rewşê, niha û di pêşerojê de, wînda bikî.

Rayedarên li welatên YE+ dikarin ji bo bidestxistina daneyên we yê biyometrîk zorê wekî çareya dawîn bikar bînin. Dibe ku ew we wekî çareya dawîn jî bigirin da ku nasnameya we diyar bikin an verast bikin.

Eger hûn bikin ku li vî welatê şopa tiliyan nedin, dê encamên taybet hebin.

Vêca dibe ku daxwaza we neyê bi cihanîn an jî pêvajoya we bê rawestandî.

MAFÊN MIN DI DERBARÊ DANAYÊN EURODAC DE ÇI NE?

Her welatekî YE+ xwedî desthilatek e ku karanîna daneyan kontrol dike. Mafê te heye ku bi kontrolkerê daneyan û berpîrsê parastina daneyan re têkilî daynî û daxwaza gihîştina daneyên ku di Eurodacê de hatine hilanîn bikin.

Hûn dikarin daxwaza sererastkirina agahdariya xwe bikin, eger hûn hîs dikin ku:

- xelet e û pêdivî bi sererastkirinê heye
- ne temam e û pêdivî bi nûvekirinê heye

Her wiha hûn dikarin daxwaza jêbirina daneyên xwe bikin ger hûn hîs bikin ku

- ew bi awayekî neqanûnî di Eurodacê de hatine qeyd kirin.

Hûn dikarin agahdariyên têkiliyê yê Kontrolkerê Daneyan û Berpîrsê Parastina Daneyan li rûpela dawî ya vê belavokê, di bin sernavê **'Agahiyên din ên kêrhatî'** de bibînin.

Eger hûn dixwazin giliyek fermî li ser ka daneyên we çawa têne bikar anîn tomar bikin, hûn dikarin bi rayedariya çavdêriya neteweyî ya xwe re têkilî daynin.

Agahiyên têkiliyê yê rayedariya rêzîknameya neteweyî di rûpela dawî ya vê broşûrê de jî hatine dayîn.

AGAHIYÊN DIN ÊN KÊRHATÎ

AGAHDARIYA DI DERBARÊ AGAHDARIYÊN TÊKILIYÊ YÊN NIVÎSGEHA KONTROLKERÊ DANEVAN DE

Li jêr hûn dikarin agahdariyên têtikiliyê yê nivîsgeha Kontrolkerê Daneyan û Karmendê Parastina Daneyan li vî welatî bibînin.

Kontrolkerê daneyan dikare ji we re agahdar bike ka kîjan daneyên we yê kesane di Eurodacê de têne hilanîn. Eger daneyên we yê kesane bi rêkûpêk nehatine hilanîn, hûn dikarin daxwaza sererastkirina wan bikin.

Eger hûn hîs dikin ku yek ji agahiyên we bi awayekî neqanûnî hatiye pêvajokirin, hûn dikarin bi karanîna agahiyên têtikiliyê li jêr daxwaza jêbirina wê bikin.

Li ser vê malperê www.ind.nl/en/privacy Hûn bixûnin ku çawa hûn dikarin daneyên xwe yê kesane serrast bikin an jêbibin.

AGAHI LI SER MAFÊN MIJARA DANEVAN

Li vî welatî, mafên we yê taybetî di derbarê karanîna daneyên xwe yê kesane de hene.

Li ser vê malperê www.ind.nl/en/privacy Hûn bixûnin ku mafên we li çi heye.

AGAHDARÎ LI SER AGAHDARIYÊN TÊKILIYÊ YÊN RAYEDARÊN RÊZIKNAMEYÊN NETEWÊYÎ.

Hûn dikarin agahiyên li jêr bikar bînin da ku bi rayedaran rêzicknameya neteweyî ya vî welatî re têtikilî daynin.

Eger hûn hîs bikin ku yek ji daneyên we yê kesane bi awayekî neqanûnî hatiye bikar anîn, hûn dikarin giliyek fermî li cem dezgeha çavdêriya neteweyî bikin.

Ji bo zanyariyên bêtir, li vir binêrin www.autoriteitpersoonsgegevens.nl/en/contact.

TÊBÎNIYÊN MIN



Immigratie- en Naturalisatiedienst
Ministerie van Justitie en Veiligheid

Ev belavok tenê ji bo armancên agahdariyê Ye. Ew bi serê xwe maf û mecbûriEUtan çênake. Ajansa Penaberiyê ya Yekîtiya Ewropayê (EUAA) beşa sereke ya vê materyalê peyda kiriye, û ji nû ve hilberandin û guhertina vê belavokê tenê ji bo Dewletên Endamên YE ji hêla EUAA ve destûr hatiye dayîn. EUAA ji bo rastbûn, naverok, temambûn, qanûnbûn an pêbaweriya agahiyên ku di vê belavokê de ji hêla Dewletên Endamên YE'yê an ji hêla aliyek sêyemîn a berpirsiyar ve hatine girtin, ti berpirsiyarî an jî erkê qebûl nake. Ne EUAA û ne jî kesek ku li ser navê EUAA'yê tevdigere berpirsiyarê karanîna agahiyên di vê belavokê de ne.

© Ajansa Penaberiyê ya Yekîtiya Ewropayê, 12 juni 2026